

REKONSILIASHON I SPERANSA




Lès 9 pa Febrüari 28, 2026

2 Korintionan 5:21


" Pasombra El a hasi
Esun pa bira piká pa
nos, Kende no tabata
konosé piká; pa nos lo
por bira e hustisia di
Dios den djE"





Despues di a deklará ku e krus di Kristu a rekonsiliá Shelu i Tera (Kol. 1:20), Pablo ta sigui splika e efektonan práktiko pa nos di e rekonsiliashon aki.

Kon esaki a kambia nos? Kon Dios a mira tur esaki padilanti? Kiko nos por hasi pa yuda otronan kompartí(partisipá) den rekonsiliashon i gana speransa?



REKONSILIASHON I SPERANSA DOR DI E EVANGELIO

E efektonan di rekonsiliashon

**For di malechor-
nan pa
santunan
(Kol. 1:21-22)**

**Fundá i
stabil
(Kol. 1:23)**

Speransa

**Tresiendo
speransa
(Kol.1:24-25)**

**E misterio di
Dios
(Kol. 1:26-27)**

**E poder di e
evangelio**

**Anunsiando
e evangelio
(Kol. 1:28-29)**

E EFEKTONAN DI REKONSILIASHON

FOR DI MALECHORNAN PA SANTUNAN

" I boso, kende antes tabata stranheronan i enemigunan den boso mente dor di mal echonan, tòg awor El a rekonsiliá den e kurpa di Su karni dor di morto, pa presentá boso santu, i sin kulpa, i riba reproche den Su bista —." (Kolosensenan 1:21-22)

E asuntu ta simpel. Nos a biba hasiendo maldat i, pesei, nos a wòrdu kondená na morto etèrno (Rom. 6:23; Rev. 21:8).

Pa nos mes nos tabata inkapas di kambia e situashon aki, òf di paga pa nos salbashon (Salmo 49:7-8).



El a muri riba e krus pa paga e preis pa nos piká (Rom. 5:8)


Dor di fe, repentimentu, i boutismo, nos ta wòrdu librá for di nos piká i ta sin mancha i sin kulpa dilanti di Dios [hustifikashon] (Rom. 5:10; Kol. 1:22)



Pero Dios tabatin un gran plan prepará pa nos:



Dor di e trabou di e Spiritu Santu nos bida gradualmente ta wòrdu transformá i nos ta bira santu dilanti di Dios [santifikashon] (Rom. 8:1; 2 Kor. 5:17)



FUNDÁ I STABIL

“ si di bèrdat boso ta sigui den e fe, fundá i stabil, i no ta wòrdu moví for di e speranza di e evangelio ku boso a tende ” (Kolosensenan 1:23a)

Ya kaba nos a wòrdu hustifiká, nos ta wòrdu santifiká, pero e biahe ainda no ta kla. Nos ta kore e risiko di dual i no alkansa e meta. Esei ta e pakiko ku Pablo ta konseha nos riba tres kos (Kol. 1:23a):



Sigui den e fe



**Sea persistente,
manera Pedro
tabata, ora,
despues di a
wòrdu librá for di
prizon, el a bati
na e porta te ora
ku esaki a wòrdu
habrí p'é
(Echonan 12:11-16)**

Fundá



**Nos fe mester
ta sólido, fundá
riba e
bèrdatnan ku
nos a siña den
e Beibel**

Stabil




**Nos mester ta
no hesitante,
nunka stòp di
konfia den “ e
speransa di e
evangelio ”**

SPERANSA


TRESIENDO SPERANSA

“ di kual mi a bira un minister(predikadó) segun e mayordomia for di Dios kual a wòrdu duná na mi pa boso, pa kumpli ku e palabra di Dios,” (Kolosensenan 1:25)



Manera nos a mira, Dios Su plan pa nos slbashon ta basá riba e morto di Hesus i ta inkluí nos hustifikashon i santifikashon. Pero algu importante tabata falta: di un òf otro manera, nos mester bin sa e plan aki pa por aseptá esaki. Nos tin mester di un hende pa revelá esaki na nos.

Esaki ta kaminda “ Dios Su atministrashon ” [Dios Su manera di ordená sirkumstansianan, pensamentunan, hendenan, etc.] ta drenta, di kual Pablo tabata un minister (Kol. 1:25).



Pablo a regosihá den ser parti di e plan aki, ounke esaki a involve aflikshonnan, (Kol. 1:24). For di su aresto na Roma te na su morto, el a skirbi alomenos shete di e dies kuater kartanan preservá den e Tèstament Nobo.

Pablo tabata un parti importante di Dios Su plan, i el a regosihá den dje. Nos tambe por ta parti di e plan aki dor di guia otronan na e konosementu di Kristu. Esei ta nos goso!





E MISTERIO DI DIOS

" e misterio ku tabata skondí for di siglonan i for di generashonnan, pero ku awor a wòrdu manifestá na Su santunan " (Kolosensenan 1:26)

Pablo ta papia di un misterio ku a wòrdu manifestá(revelá) na e Iglesia despues di e resurekshon di Kristu (Kol. 1:26). Te ku e ora ei, tabatin solamente miradanan chikitu di esaki. Pero kiko ta e misterio aki? " Kristu den boso, e speransa di gloria " (Kol. 1:27).



Esaki a wòrdu planiá(formulá) promé ku e fundashon di e mundu (1 Pedro 1:20)



Esaki a wòrdu parsialmente komuniká na e angelnan (1 Pedro 1:12)



Un promé mirada chikitu a wòrdu duná di Adam i Eva (Gen. 3:15)



Esaki a wòrdu revelá na e profetanan (1 Pedro 1:10-11)



Hesus a revelá esaki promé na e Hudiunan (Mat. 15:24)



E ora ei esaki a wòrdu revelá komplementamente na tur hende (Kol. 1:27)

Ainda tin fasenan pa habri den e misterio aki. Awor nos ta biba den e speransa di wòrdu glorifiká. Ki un kambio! Ki un misterio! Hendenan pekaminoso ta wòrdu hustifiká, santifiká, i glorifiká dor di e sanger redemido di Hesus. E misterio aki lo sigui ta un tópiko di studio pa tur eternidat.



**E PODER DI E
EVANGELIO**

ANUNSIANDO E EVANGELIO

“ E nos ta proklamá, spiertando tur hende i siñando tur hende ku tur sabiduria, pa nos lo por presentá tur hende perfecto den Kristu Hesus.” (Kolosensenan 1:28)



Kon Pablo a prediká e evangelio? E enfoke di su predikamentu tabata Kristu krusifiká (1 Korintionan 1:23). Una bes ku hende a aseptá Hesus, el a spierta i a siña nan te ora ku nan tabata perfekto (Kolosensenan 1:28-29). Kon el a hasi esaki?



El a splika nan doktrina i práktika Kristian (2 Tesalonisensenan 2:15)

El a spierta(avisá) nan di e konsekuensianan di rechasá e evangelio (Heb. 10:25-29)

El a spierta nan tokante di e peligernan di siñadónan falsu (Echonan 20:29-30)



Warda un minüt... hasi nan perfekto? I no djis un poko... “ kada hende”! (Kol. 1:28b).

E palabra Griego tradusí “ madurá ” (*teleios*) ta nifiká perfekto i sin defekto. Dor di e proseso di kresementu Kristian, nos ta bira intensamente konsiente di e profundidat di Dios Su lei i di esaki su rekerimentunan. Nos meta, p’esei, ta pa ser perfekto den Kristu Hesus.

“ Mirando riba e Redentor krusifiká, nos ta komprendé mas kompletamente e magnitut i nifikashon di e sakrifisio hasí dor di e Mahestat di shelu. E plan di salbashon a wòrdu glorifiká dilanti di nos, i e pensamentu di Kalvario ta spierta emoshonnan bibu i sagrado den nos kurason. Alabansa na Dios i e Lamchi lo ta den nos kurason i riba nos lepnan; pasombra orguyo i adorashon propio no por floresé den e alma ku ta mantené fresku na memoria e esenanan di Kalvario. ”

EGW (The Desire of Ages, p. 661)